



Inatsisartuni ilaasortaq,  
Mala Høy Kuko, Siumut  
Maani/

**§ 37 naapertorlugu apeqquteqaammut nr. 344 2019-mut Tasiilap eqqaatalu nunataata tutunut umimmannulluunniit nerisassaqaassutsikkut tunngasumut akis-sut**

Ulloq: 20-11-2019  
Suliap normua: 2019 - 24690  
Dok. Nr.: 47014043

Tasiilap eqqaatalu nunataata tutunut umimmannulluunniit nerisassaqaassutsikkut qanoq inissisimamera pillugu Inatsisartut suleriaasissaanni § 37-mi imm. 1 naapertorlugu apeqqutinik Naalakkersuisunut nassiussaqaarsimavutit. Apeqqutitit uanga su-liassaqaarfigisannut akisassanngortinneqarsimapput.

Postboks 269  
3900 Nuuk  
Oqarasuaat (+299) 34 50 00  
Fax: (+299) 34 63 55  
E-mail: apn@nanoq.gl  
www.naalakkersuisut.gl

**Apeqqut 1. Tasiilaq-p eqqaatalu nunataata annertungaatsiaqisup tutunut umimmannulluunniit nerisassaqaassutsikkut qanoq inissisimamera misissuiffigineqarnikuuva?**

Apeqqut 1-mut akissuteqaat: Tasiilap qeqertaani naasoqassuseq pillugu 1968-1969-imi aamma 1981-imi misissuisoqarnikuuvoq. Taamani Tasiilap qeqertaani naasut pingaernerit assigiinngitsut aqqanillit nalunaarsorneqarput misissuiffigineqarlutillu kingornalu 2007-mi misissueqqittoqarluni.

Tuttunut atatillugu orpikkat, ivikkat, pupiit aamma orsuaasat nerisarpaat. Orsuaasat ukiuunerani tutut nerisartagaasa pingaarnersaraat.

Tasiilap qeqertaani naasunik misissuinermi siullermi 1968-1969-mi ingerlanneqartumi nalunaarsorneqartut misissuiffigineqartullu makkuupput: Carex mire (Ivigarsuit), Alchemilla meadow (Narsaat), Salix scrub (Orpikkat), Alchemilla snowbed (Narsaat), Hylocomium snowbed (Issuatsiaq), Salix snowbed (Orpikkat), Lichen grassland (Ivikkat orsuaasallit), Phyllodoce heath (Paarnaqutikuluut), Empetrum heath (Paarnaqutit) kiisalu Racomitrium heath (Issuatsiaq).


Tuttut ukiuunerani nerisartagaasa pingaarnersaat orsuaasat latinerisut Cladonia Rangiferina-mik taaguuteqarput orsuaasallu taakkua Tasiilap qeqertaani misissuinermi nalunaarsorneqarnikuunngillat taamaammat Tasiilap qeqertaata tutunut nerisassaqaassutsikkut inissisimalluannilaq.

Umimmaat orpikkat naarlaat aamma ivikkat nerisarpaat. Ivikkat Kobresia-mik taaguutillit umimmaat nerisartagaasa pingaarnersaat ilagaat. Ivikkat taakkua Tasiilap qeqertaani misissuinermi nalunaarsorneqarnikuunngillat taamaammat Tasiilap qeqertaata umimmannut nerisassaqaassutsikkut inissisimalluannilaq.

Apeqquut 2. **Misissuiffiqineqarsimangippat Naalakkersuisut misissuititsinissamik pilersaaruteqarpat?**

Apeqquut 2-mut akissuteqaat: Maannakkut misissuititsinissamut pilersaaruteqartoqanngilaq. Apeqquut 1-mut akissuteqaat takuuk.

Inussiarnersumik inuulluaqqusillunga



Jens Immanuel  
Aalisarnermut, Piniarnermut Nunalerinermullu Naalakkersuisoq